

## BERTSOLARI ZAPUZTUA

Bide azpiko etxean  
—lore baratz narua—  
Maiteder bizi da txairo,  
barnean daula sua.

Lili ezpaten artean  
—txori zauritu antzo—  
naikari biziz aserik  
ikusi neban atzo.

[zarrakaz dagi ames  
—sai goizale bikaiña—,  
barruan dauan atsona  
doakola tartaiña.

Zuk, ostera, bertsolari!  
—gatza ta pipermina—  
jo dautsazu leio ondoan  
goiz-tobera txiliña.

Ez eutzun zirkiñik, baiña,  
arean be ak egin,  
ez biotzik astin-azo:  
atxurdiña zirudin.

Alde zendun andik «matsa  
gordin yagok» esanik.  
— Ez, geldo, mats ori ez dok  
iretztat, ez, iñundik.

## BARRUKO GUDA

Oiu dagiat, itxaso biur:  
zer darabilk ain aldakor?  
Gain-urdir atzo, amesti jasez,  
ta gaur orru dagik gogor.

Barne-samiñik etsienez  
leiar gilborra putzitu  
ta arrizko esiz baituten auen  
aitzak nai dozak zatitu.

Zintzurretako bits atsituz  
ondartza zikin daroak;  
mintzatu akit, Kantauri arro,  
jre itz-miñetan bai naukak.

Baiña... ez, ixo!, ba-dazaut eta  
zerren agoan muturik:  
uin-litsean bein neuskan irakur  
ta ba-jakiat geroztik.

Barrun ba-dot neuk be guda lakar,  
errezto jasan eziña:  
azke ibil gura ene **zer** onek,  
baso usuan lez oreiña.

Biziki digart barru muiñean  
etsai biren jotze urbilla;  
gain itzal gaizkor bai lebilkidan,  
zorapenezko naspilla.

Egaize balak zingira gaiña  
nasi oi daben antzean,  
**zer** gordearen dardara bizi  
sarriri doart soiñean.

Etsai eraso, burruka latza,  
eguzki dirdairik bako!  
Uin-jauzika ots dagikanean  
dirudik itxaso arro.

Goitik gogoia zidar egalez  
dago jantzita: zerumin;  
aragia, irriks murkoa eskun,  
ikus beerago: ludimin.

Izanez bata ustelkor dozu,  
bestea barriz il-gaitza;  
lur ala gogok jādats ereño?  
norentzat ete garaitza?

Or dabilkidaz lera-sugeak  
biotz ganbaran txistuka:  
oillo samara mirotza letxe,  
jarkitzen alkar eztenka.

Aragiz azke dan gotzon argi  
edur egoduna iduri,  
lokiak ausiz ludi ontako  
beztun-arana itzuri.

Goira dot igon nai ego iraulka,  
jzarren isla mosutu,  
ta azkar garaituz ortze oztiña,  
argi erriaz jabetu.

Ango goiz-aize, oi!, nok leukake!  
Usno goitarrak arnastu,  
argi jturnan egarri sua ito,  
Jainko-besoan atsartu!

Baiña sugetzar marraskariak  
lei ardoz mozkor nakarre;  
ta ene gora miñak or epel,  
jllotzen taiua darre.

## ATZIPETUA

Laburrak, ziñez, nire atsegin orduak!  
Joana az, ene maite, jbaia lez bizkor,  
ta ni oroiz betea emen, ai!, ezezkor,  
konta eziñik neure neke ta doluak.

Ez neban iñoiz uste, iñoiz, ez orixe!,  
egun artako argi lausorik bagea,  
ez, ez yatan iduri izan poz betea  
ain laster itzuliko yatanik oiñazei

Baiña iduri utsa zan, ames gaillena,  
nik olan jantzitako jauregi bikaiña.  
Nok ete onen erru? Ez iñok nik aiña.  
Lorea eder, ba'ña barruan edena.

Maite dardaiz josia ibilli naz zoro.  
Bizitz sua itxuratan zoragarri dozu;  
ezta, barriz, ispillua egiaren zitu,  
ta ni be aren mende nago, gaur, osoro.

Bai, lilluragarria az, elai arraparil  
Dana dagik erreza, zillegi, ederrik.  
Oi, ames gaizto! Ezpei, ez, ire esanik  
iñok betetu, izan nai ezik lotsari.